

- ԻԵ. — Զաղըն գիմ բարի ասեն տէր Յիսուս որ զայս հրամայէ,
Զանհամն ինքն ի համ բերէ ու զնեխածն անուշացնէ,
Լնց մարդ որ նայ բան ունի կամ ուսումամբ կամի բնութիւնէ,
Համեմ է հոգոց մարդկան ու զհիւանդ հոգիս բժշկէ:
- ԻԶ. — Զաղն անհամ ով է տեսել թէ լինի նայ պիտանացու,
Ոչ աղբ է ի պարտէզ ձգելու և ոչ է քարինքն շինելու:
Նման որ բանի տնտես և խայթող ունի զինչ մեղու,
Պաշտօն յամենոց ուզէ չասէ զանձն իւր մահկանացու:
- ԻԷ. — Լաւ մարդ ես նորայ ասեմ որ բանա զբերանըն համով,
Լնցեղ լեզուն զին չունի թէ լնան տուն մի ջաւհարով:
Աստուած երբ զաշխարհս արար զհոգն ու զջուրն ու զօդն հրով,
Մթխալ մաւելի չարար այլ կըրոեալ զամէնըն չափով¹:
- ԻԸ. — Լեզուն է գործիք բանիւ արդարոյն զերդ խալաս ոսկի,
Զմարդոյն է մէկ փէրթ արել և աւձին է երկու ճղի:
Լնց մարդն որ երկուս խօսի զմէկըն քաղցր ու զմէկըն լեղի,
Օձին է եղբայր եղել ու զնորա անէձքն ընդունի:
- ԻԹ. — Ծառին տուղն երբ չար լինի ով մնայ թէ իսկի ծաղկի,
Սպիտակ մազն որ սեւ ներկին ով մնայ թէ իսկի թափի,
Բայց մարդ մեղաւոր ու սեւ ես գիտեմ որ կու սպիտակի,
Աստուած մէկ բանիկ կուզէ որ մեղա ասէ ու քաւի²:
- Լ. — Կաֆայ մի կամիմ ասել որ արժէ ջաւհար մի բոլոր,
Մարմինդ է ի նաւ նման խելքդ ծով թէ չունի ժըխոր:
Զմիտքդ նաւավար դու տես որ բարձեալ է զանձ շահաւոր,
Թէ յեզր ի ծովուտ հանես նայ առնէ ըզքեզ փառաւոր:
- ԼԱ. — Կանթեղին մտիկ արայ ջուրն ու ձեթն ու հուրն ի լարան,
Կանթեղն մտաց նման ջուրն ուսման ձեթըն գիտութեան:
Քանի զմիտք ընդ սուրբ ունիս ու ջանիս ես սիրող ուսման,
Գիտուն է հոգիդ պայծառ որ լոյս տայ քեզ ի մթութեան³:
- ԼԲ. — Հաւատն է անառ բերդիկ ով առնէ ըզնա հայրենիք,
Թէպէտ թշնամիք ունի որ բերեն շատ մըճեր ու նիգ:

1. Ն. Ք. Գիւան թիւ ԼԱ. Իմ օրինակս խառնուրդ մըն է Պ. Զօպանեանի հրատարակածին, նաեւ անոր թիւ 237 ծանօթութեան օրինակին:

2. Ն. Ք. Գիւան թիւ ԼԸ.

Երաւիմ Յիւզըն որ չոր լինի ո՞վ ասէ թէ ինքըն ծաղկի,
Սպիտակ մազն որ թուիս ներկի, ով ասէ թէ սպիտակի ի,
Բայց մարդ մեղաւոր ու սեւ վկայեմ որ կու սպիտակի,
Աստուած մէկ բանիկ կուզէ, որ մեղայ ասէ ու քաւի:

3. Ն. Ք. Գիւան թիւ ԽԱ.

Կանթեղիկ մտիկ արա, ջուրն ու ձեթն ու հուրն ի լման,
Կանթեղն է մտաց մման, ջուրն ուսման, ձեթն՝ գիտութեան,
Քանի զմիտք սուրբ ունիս, դու սիրով ջամա՛ ուսման,
Հոգիդ է պայծառ գումով, որ լոյս տայ քեզ մթութեան: